

Tertialrapport – april 2022

Bjørnafjorden landbrukskontor

Skildring av tenesta

Kommunane er landbruksstyresmakt på ei rekke oppgåver innan jordbruk, skogbruk og hagebruk med tilhøyrande næringar, samla kalla landbruk. Dette omfattar forvaltningsoppgåver der kommunane med heimel i lov og forskrift er førsteinstans for vedtak og førebuing av saker som skal avgjerast av andre organ på høgare nivå. Dette er også oppgåver som kommunen har som planstyresmakt, og utviklings-oppgåver som delvis er lovheimla og delvis ligg til den generelle utviklingsrolla som kommunen har.

Bjørnafjorden Landbrukskontor er interkommunalt landbrukskontor for kommunane Bjørnafjorden, Samnanger og Tysnes. Vi har ansvaret for ei veterinærordning og har òg ansvaret for at det vert teke omsyn til landbruksnæringa og landbruksareala i kommunane når det skal gjerast ulike tiltak.

Utviklingsrolla er i liten grad pålagd gjennom lover og regelverk, men er desto viktigare for å bidra til ei positiv utvikling i landbruket og for bygdene.

I januar 2020 fekk kontoret overført nye oppgåver frå Statsforvaltaren. Ut frå den relative auken til landbruksnøkkelen i inntektssystemet for kommunane vert dei nye oppgåvene rekna å krevja om lag 0,8 årsverk. Dei nye oppgåvene fell inn under tilskotsordningar for skog og organisert beitebruk. Budsjettet til landbrukskontoret vart ikkje justert.

Utvikling og utfordringar

Sidan 1.april er Simon Wolff konstituert leiar for landbrukskontor.

Vi er i ein krevjande situasjon med tanke på bemanning og rekruttering av nye medarbeidarar. Fleire tilsette på landbrukskontor har eit mellombels arbeidsforhold men ansvar for viktige lovpålagte oppgåver. Det føre til ein sårbar situasjon.

Vi har fokus på intern arbeidsflyt, problemsporing og god samhandling intern, opp mot politisk utval og andre samarbeidspartnar. Arkivet er ein meget viktig samarbeidspartnar som sparar oss unødvendig tidsbruk i ein travelt kvardag.

Landbrukskontoret har ansvar for mange ulike fagområde. Digital utvikling har ført til fordelar og ulemper. Ein vesentleg fordel er at alle medarbeidarar har god tilgang til alle informasjonar alltid og uansett kor dei er. Ulempene er mellom anna at kvart oppgåvefelt har sitt eiga digitalt system, eigne rutinar og prosessflyt.

Kurs og opplæring av nødvendige arbeidsverktøy vart lite prioritert i seinare tid. Gjennomsnittsalder i kommunal forvaltning påverkar prosessen innan digitalisering. Her er det trong for nytenking og fleire nivå må styrkast for å sikre gode tenestetilbod i ei brytningstid.

Viltforvaltninga krev mykje tid særleg i perioden desember - juli. Vi har forsøkt å effektivisere dette arbeidsfeltet. Spelerommet er veldig lite og det vert brukt uforholdsmessig mykje ressursar.

Arbeidet med rutinebeskrivelser for alle økonomiske verkemidlar landbrukskontoret forvaltar er godt i gang.

Planeininga og landbrukskontoret jobbar for å finne ei løysing (plassering og system) i kommune for å handtere komposterbart avfall. For eksempel "produserer" dei rundt 200 hestar i kommunen sirka 1800 tonn med hestemøkk årleg. Møkka er ein verdifull ressurs men per i dag eit problem for kommunen og hesteeigaren.

Utvalde resultat

Landbrukskontoret har sendt innspel til strategisk næringsplan.

Vi deltok på alle politiske møte og har orientert dei politisk utval om situasjon, aktuelle sakar og enkelte prosjekt.

Landbrukskontoret har handsama 12 saker etter jordlov og 4 konsesjonssaker. Det vart gitt løyve til 9 skogs-/landbruksvegar og 4 hogstar med taubane. Utover det har vi gitt løyve til 7 søknader om skadefelling og utbetalt tilskot frå viltfondet til 6 søkjarar.

I mars vart det arrangert nybrukarseminar i alle tre kommunar. Lokale bønder heldt innlegg om sin produksjon og delt sine erfaringar med dei "nye" jordbrukarar. Tilbodet vart tatt godt imot og vi hadde inspirerende diskusjonar kring matproduksjon, skogbruk og levende bygder.

Nybrukar seminaret bidreg til gode lokalsamfunn gjennom:

- fagleg utveksling og utvide sin «horisont»
- rett informasjon før oppstart med landbruksproduksjon
- fjerne "barriere" for å byrja med noko nytt
- sosialt fellesskap

Vi ynskjer å arrangere fleire seminar til ulike brukargrupper men ressursituasjon sett begrensningar for det.

Prosjektet «100 dagar sjølvforsynt» er nå inne i ein forprosjektfase.

Det hårete målet om å vere 100 dagar sjølvforsynt i 2025 kan vi oppnå gjennom gode prosessar lokalt. Vi har sendt ein søknad til Vestland fylkeskommune for å etablere skulehagar som er ein veldig konkret, fysisk og direkte handling.

Viktige hendingar

Landbrukskontoret vart kontrollert for forvaltning av tilskotsmidlar innan skogbruk. Det vart ikkje funnet avvik i perioden 2019 fram til 2021.

Vi er engasjert i prosessen rundt bygging av tømmerkaaien på Samnøy. Landbrukskontoret er i tett dialog med landbruksdirektoratet både med tanke på bruk av tilskotsmidlar for tømmerkaaien men òg for å kunne bruke tilskotsmidlar til ein skogsveg inn i dette området.